

09.03 MARELLA

«Dal nas a la cua»

Il consum da charn è sa midà fermamain ils ultims onns en Svizra. Mangiadas vegnan bleras giadas be las meglras parts da l'animal. Ina gronda part da l'animal ha perquai da vegnir dismessa.



Ils producents da charn emprovan uss perquai da puspè sensibilisar il consuments per products indigens e da definir il product charn en ina nova furma ed uschia turnar tar la tenuta che bliers pli vegls enconuschan anc da lur uffanza: Sch'in animal vegn gia mazzà per il consum da nus umans, lura duai quel er vegnir duvrà entir ed entratg. Ina ch'enconuscha anc bain questa tradiziun da lur uffanza, cura ch'i vegniva fatg batgaria a chasa è Ursulina Caviezel da Pitasch. La magistra pensiunada ha anc oz – 60 onns pli tard – en il nas la savur da quels dispezials sin lur bain puril. Ma er en auters pajais sco per exempel en il Portugal u la Spagna è il mazzar l'animal ed al duvrar cumplettamain – dal nas a la cua – anc adina ina tradiziun che vegn pratitgada. Belandina Vicente Laudénbacher è oriunda dal Portugal. Dapi 29 onns viva ella en Svizra, entant cun sia famiglia a La Punt Chamues-ch.

Redacziun: Anna Caprez